

Ndihme Nga Lart



Falas — jo për shitje

Gjoni 10:27, 28

Jezusi: “Siç u thashë, delet e mia e dëgjojnë zërin tim dhe më vijnë pas, edhe unë i njoh dhe u jap atyre jetë të përjetshme, prandaj ato nuk do të humbasin kurrë në jetë dhe s’ka për t’i rrëmbyer asnjeri nga dora ime.”

I tërë Shkrimi i shenjtë është frymëzuar nga Perëndia dhe mund të përdoret me fitim për mësim, për korrigjimin e gabimeve dhe mësimin të rremë, që të bëjme një jetë që i pëlqen Atij.

—2 Timotheut 3:16

Sepse fjala e Perëndisë është e gjallë, është e punës dhe është më e mprehtë se çdo thikë me dy presa. Ajo depërton deri në thellësi të shpirtit e frymarrjes, të nyjeve e të palcës dhe zgjon në këtë mënyrë kujtimet e mendimet e zemrës.

—Hebrenjve 4:12

Fryma është ajo që jep jetë,

trupi nuk vlen asgjë; këto fjalë që po ju them janë të frymëzuara nga Shpirti dhe sjellin jetë.

—Gjoni 6:63

Dhe Jezusi iu përgjigj atyre: “Gaboheni rëndë sepse nuk e kuptoni as Shkrimin e shenjtë e as fuqinë e Perëndisë.”

—Mateu 22:29

Qielli e toka do të shkojnë, kurse fjalët e mia do të mbeten.

—Luka 21:33

Sepse kurrë nuk erdhi ndonjë profeci nga dëshira e njeriut, por vetëm me nxitjen e Shpirtit të shenjtë, folën njerëzit e shenjtë të Perëndisë.

—2 Pjetri 1:21

Zoti tregoi dashurinë e Tij, kur Krishti vdiq për ne, mbasi ne ishim mëkatarë.

—Romakëve 5:8

Që përpara së kremtes së pashkëve, Jezusi e kuptoi se erdhi ora të ndahet nga kjo botë dhe të shkonte tek Ati. Ai i deshte njerëzit e kësaj bote dhe i deshi ata gjer në fund. —Gjoni 13:1

Jezu Krishti është dëshmitari besnik, i pari që është ringjallur nga vdekja dhe zot i mbretërve të tokës dhe ai që na deshi dhe na lau mëkatet tona me

gjakun e tij. —Zbulesa 1:5

Ai që nuk ka dashuri, nuk ka njohur Perëndinë, sepse Perëndia është dashuria. Mbi këtë u shfaq dashuria e Perëndisë për ne, Perëndia, Birin e tij të vetëlindur e dërgoi në botë që të rrojmë me ndihmën e tij.

—1 Gjoni 4:8, 9

Se Zoti aq shumë e deshi botën, sa që e dha Birin e tij të vetëm, që të mos humbasë asnjëri që i beson Atij, por të ketë jetë të përjetshme.

—Gjoni 3:16

Jezusi i tha: “Kam kaq kohë me ty, Filip, dhe ende nuk më njeh? Ai që më ka parë mua, ka parë edhe Atin. Si mund të thuash atëherë: ‘Na e trego Atin.’? A nuk beson ti se unë jam tek Ati dhe Ati është tek unë?”

—Gjoni 14:9, 10a

Që në fillim ishte Fjala, dhe Fjala ishte me Perëndinë, dhe Fjala ishte vetë Perëndi... Dhe Fjala u bë njeri dhe qëndroi ndër ne (dhe ne pamë lavdinë e tij, lavdi porsi ajo e të vetëlindurit prej Atit) plot me madhështi e vërtetësi.

—Gjoni 1:1, 14

E gjithë kjo ndodhi, që të përbushet fjala e Zotit e thënë

nëpërmjet profetit, i cili thotë: “Ja virgjëresha që do të mbetet shtatzënë dhe do të lindë djalë, i cili do të quhet Emanuel” që do të thotë - Perëndia bashkë me ne.

—Mateu 1:22, 23

Askush nuk mund ta mohojë: e madhe dhe e pashoqe është e vërteta që na ka bërë të njohur Perëndia. Në botë u paraqit si njeri, kurse në qiell Perëndia e deklaroi fitimtar - Kështu Jezusi iu paraqit engjëjve dhe iu njoftua kombeve të botës. Gjithkund në botë u pranua me besim, kurse në qiell u pranua me nderin më të lartë.

—1 Timotheut 3:16

Dhe ja një zë nga qielli thoshte: “Ky është Biri im i dashur, i zgjed-huri im.”

—Mateu 3:17

Në kohën kur ai po fliste, një re e shndritshme i mbuloi ata dhe një zë nga reja u dëgjua që thoshte: “Ky është biri im i dashur, i Zgjedhuri im. Atë dëgjojeni.”

—Mateu 17:5

Dhe engjëlli iu përgjigj: “Shpir-ti i shenjtë do të zbresë mbi ty dhe fuqia e të lartit do të hijeshojë ty. Prandaj ajo fosh-nje e shenjtëruar që do të

lindësh ti, do të quhet Biri i Perëndisë.”

—Luka 1:35

Sepse trupi i tij është plot hirësi.

—Kolosianëve 2:9

Kush pranon se Jezusi është Biri i Perëndisë, jeton në Perëndinë dhe Perëndia jeton në të.

—1 Gjoni 4:15

Për atë që e shenjtëroi Ati dhe e dërgoi në botë, ju thoni shan Zo-tin, sepse thash, Jam i Biri i Perëndisë? Në qoftë se ato që bëj unë nuk janë vepra të t'im Ati, mos më besoni.

—Gjoni 10:36, 37

JEZUSI NA TREGON SE KUSH ESHTË AI

5

Jezusi i tha: “Unë jam i ringjalluri dhe jeta, ai që më beson, edhe i vdekur do të rrojë.”
—Gjoni 11:25

Sa të jem në këtë botë, jam drita e saj.
—Gjoni 9:5

Dhe ai u tha atyre: “Ju i përkisni tokës, kurse unë i përkas qiellit. Ju i takoni kësaj bote; kurse unë jo.”
—Gjoni 8:23

Jezusi u tha atyre: “E vërteta është kjo që po ju them: Para se të lindte Avrami, UNE JAM (Zot).”
—Gjoni 8:58

Atëherë Jezusi u tha atyre sërish: “E vërteta është kjo që po ju them: unë jam dera për delet.”
—Gjoni 10:7

Dhe Jezusi u tha atyre: “Unë jam buka e jetës; ai që vjen tek unë, nuk do të ketë më uri; dhe ai që beson tek unë, nuk do të ketë më etje.”
—Gjoni 6:35

“Ju më quani Mësues dhe Zot. Mirë thoni, sepse unë jam ai.”
—Gjoni 13:13

6 DISA NGA ÇUDIRAT QE KA BERE JEZUSI

Ai i dha urdhër popullit të uleshin mbi bar. Pastaj i mori të pesë bukët e dy peshqit, ngriti sytë lart nga qielli e i bekoi. I ndau bukët copë-copë, ua dha nxënësve dhe ata ia ndanë turmës. Të gjithë hëngrën dhe u ngopën. Nxënësit madje mbushën 12 shporta nga ato që tepruan. Rreth pesë mijë burra kishin ngrënë, gjithashtu gratë e fëmijët.

—Mateu 14:19-21

Kur mbaroi së foluri, i tha Simonit: “Dil në ujrat e thella, dhe hidhi rrjetat për të zënë peshk.”

Simoni iu përgjigj: “Mësues, ne u lodhëm gjithë natën, dhe nuk zumë gjë. Por për fjalën tënde, përsëri do t'i hedh rrjetat.” Pasi bëri kështu, zunë aq shumë peshq, saqë rrjetat filluan të griseshin.

—Luka 5:4-6

Dy të verbër, që rrinin pranë rrugës, kur dëgjuan se aty po kalonte Jezusi, bërtitën: “O Zot, Biri i Davidit, ki mëshirë për ne.”... Jezusi pati mëshirë për ta dhe ua preku sytë. Dhe ata menjëherë kur hapën sytë, panë dritë dhe vajtën pas tij.

—Mateu 20:30, 34

Të gjitha u krijuan me anë të tij; asgjë nuk u bë pa veprimin e tij.

—Gjoni 1:3

Me anë të tij u krijua gjithësia, gjithçka që jeton në qiell dhe në tokë, gjithçka e dukshme dhe të gjitha fuqitë dhe sundimtarët e padukshëm. Gjithçka u krijua nga ai dhe për të.

—Kolosianëve 1:16

Vetë Perëndia ju ka thirrur të jeni të lidhur përgjithmonë me Birin e tij, Jezusin, dhe Ai e mban fjalën. —1 Korintasve 1:9

Le ta dinë, pra, fort mirë të

gjithë njerëzit në Izrael, se këtë Jezus, të cilin ju e kryqëzuat, Perëndia e bëri Zot edhe Krisht.

—Apostujve 2:36

Perëndia.... gjatë kohëve të fundit na ka folur me anë të Birit, të cilin e bëri trashëgimtar të të gjitheve, dhe nëpërmjet tij krijoi gjithe-sinë.

—Hebrenjve 1:2

Në të vërtetë, Krishti vdiq dhe u ringjall nga të vdekurit, që të bëhet Zot i të gjallëve dhe i të vdekurve. —Romakëve 14:9

8 JEZU KRISHTI ESHTË GJYKATES I TE GJITHEVE

Dhe do të mblidhen para tij të gjithë popujt; dhe ai do t'i ndajë ata njërin nga tjetri, si bariu që i ndan delet nga dhitë. —Mateu 25:32

Po ti përse e gjykon vëllanë tënd? Ose përse e përbuz? Ne të gjithë do të qëndrojmë para Perëndisë që të gjykohemi nga Ai. —Romakëve 14:10

Ai na urdhëroi t'i japim dëshmi popullit se Jezusi është ai që është caktuar nga Perëndia gjykatës i të gjallëve dhe i të vdekurve. —Apostujve 10:42

Po të bëj thirrje, me këmbën-

gulje para Perëndisë dhe para Jezusit, i cili do t'i gjykojë të gjithë, të gjallët dhe të vdekurit. Po të urdhëroj, ashtu si s'ka dyshim se do të duket Jezusi, për të plotësuar mbretërinë e tij. —2 Timotheu 4:1

Kur Perëndia do të bëjë gjyq me anën e Jezu Krishtit për të gjykuar mendimet e fshehta të njerëzve sipas ungjillit tim.

—Romakëve 2:16

Sepse Ati nuk gjykon askënd, mbasi gjithë pushtetin e tij gjykues ia dorëzoi Birit.

—Gjoni 5:22

Për këtë ai mund t'i shpëtojë
përgjithmonë ata që i afrohen
Perëndisë me anë të tij, sepse
ai jeton përgjithmonë që të
ndërhyjë për ta te Perëndia.

—Hebrenjve 7:25

U thashë pra juve se do të
vdisni mëkatarë po që se nuk
besoni se UNE JAM (Zot).

—Gjoni 8:24

Vetëm Jezusi mund t'ju sjellë
shpëtim, sepse s'ka asnjë tje-
tër me anë të të cilit mund të
shpëtojmë. —Apostujve 4:12

Jezusi u tha: “Unë jam rruga,
e vërteta dhe jeta, dhe rrugë
tjetër drejt Atit nuk ka.”

—Gjoni 14:6

Unë jam dera: në qoftë se
ndokush hyn me anën time, do
të shpëtojë; do të hyjë, do të
dalë e do të gjejë kullotë.

—Gjoni 10:9

Pasi ia arriti qëllimit, tani
mund t'i shpëtojë përgjith-
monë të gjithë ata që i nën-
shtrohen.

—Hebrenjve 5:9

Le t'ju forcojë Perëndia me tërë fuqinë e tij edhe me forcat hyjnore, që t'i duroni të gjitha me durim dhe qëndrueshmëri, gjithashtu që ta falenderoni Perëndinë plot gëzim. Në të vërtetë, Zoti jua dha të drejtën të merrni pjesë në madhështinë që e mban gati për popullin e tij në mbretërinë e dritës. Ai na nxori nga pushteti i fuqive të errësirës dhe na kaloi nën sundimin e Birit të tij të dashur. Me anën e tij na çliroi. Për hirin e tij na i fali mëkatet. —Kolosianëve 1:12-14

Sepse Biri i njeriut ka ardhur ta kërkojë e ta shpëtojë të humburin. —Luka 19:10

Por ju, Perëndia ju ka thirrur që të jeni të lidhur me Jezu Krishtin.

Kjo është urtësia jonë, që vjen nga Perëndia. Me anë të tij u pajtuam me Perëndinë. Me anë të tij Perëndia na bëri popullin e vet dhe na çliroi nga fajësia jonë.

—1 Korintasve 1:30

Ata këndonin një këngë të re dhe thoshin: “Ti je i denjë ta marrësh rrotullin dhe t’ia zgjidhësh vulat, sepse u therr si fli dhe me anë të gjakut tënd të derdhur fitove njerëz për Perëndinë, njerëz të çdo fisi, gjuhe, populli dhe kombi.

—Apokalipsi 5:9

Ai e dha jetën për ne për të na çliruar nga çdo mëkat dhe për të na bërë një popull që i përket atij dhe që bën gjithçka të mundshme për të mirë. —Titit 2:14

Pini të gjithë prej këtij sepse ky është gjaku im që do të derdhet si flijim për shumë veta, që të falen mëkatet e tyre. Me këtë gjak vulozet besëlidhja që e lidh Zoti.

—Mateu 26:28

Por, pasi dolëm të pafajshëm (para gjyqit të Perëndisë), sepse Jezusi e derdhi gjakun e tij për ne, është edhe më e sigurt se ai do të na shpëtojë nga dënimi (që po vjen).

—Romakëve 5:9

Ai bëri që të vdiste për shpëtimin tonë. Të gjitha mëkatet tona na i fali, sepse Jezusi e derdhi gjakun e tij si flijim pajtues për ne. Kështu Perëndia na e tregoi tërë madhësinë e mëshirës së tij.

—Efesianëve 1:7

Por, në qoftë se jetojmë në dritë,

siç është edhe Perëndia në dritë, jemi të lidhur me njeri tjetrin, dhe gjaku i Jezusit, Birit të tij, na mban të pastër nga çdo mëkat. —1 Gjoni 1:7

Ju nuk u çliruat me argjend ose me ar nga jeta pa kuptim e pa dobi që trashëguat nga stërgjyshërit tuaj, por me gjakun e çmuar të Jezusit, si të një qengji të pafajshëm flijimi.

—1 Pjetri 1:18, 19

Por me anë të gjakut të Jezusit arrihet shumë e më shumë. Jezusi, në saj të shpirtit hyjnor të vet, ia kushtoi veten Perëndisë si flijim pa të meta. Gjaku i tij na pastron nga brenda nga mëkatet tona, që të mos bëjmë atë që na çon në vdekje, por që t'i shërbejmë Perëndisë, dhënësit të jetës.

—Hebrenjve 9:14

Në të vërtetë, në qoftë se jemi të lidhur me Jezu Krishtin, nuk vlen gjë as rrethprerja dhe as jorrethprerja, por besimi që vepron me anë të dashurisë. –Galatasve 5:6

Dhe ata i thanë: “Beso në Jezusin dhe merre për Zot dhe do të shpëtosh ti së bashku me farefisin tënd.” –Apostujve 16:31

Por këto u shkruan në këtë libër që ju të besoni se Jezusi është i Biri i Perëndisë dhe duke besuar, të keni jetë në emër të tij. –Gjoni 20:31

Sepse vetëm me mëshirë jeni të shpëtuar; me anë të besimit dhe kjo nuk është prej jush, po është dhuratë e Perëndisë. Askush

s’mund të mburret para Perëndisë për atë që ka arritur.

–Efesianëve 2:8, 9

Pastaj pyetën: “Ç’duhet të bëjmë që të zbatojmë vullnetin e Zotit?” Jezusi u përgjigj: “Zoti kërkon vetëm një gjë nga ju: ju duhet të besoni në atë që Ai e dërgoi.” –Gjoni 6:28, 29

Sepse çdo gjë që ka lindur prej Perëndisë e mund botën. Me anë të besimit tonë tashmë e mundëm botën. –1 Gjoni 5:4

Perëndia, pra, na ka shpallur të pafajshëm, sepse kemi besuar në Jezusin. Tani ne jemi në paqë me Perëndinë me anë të Zotit tonë Jezu Krisht. –Romakëve 5:1

Lavdi Perëndisë, Atit të Zotit tonë Jezu Krisht, i cili me mëshirën e tij të madhe na lindi përsëri një shpresë të gjallë me anën e ringjalljes së Jezu Krishtit nga vdekja.

—1 Pjetri 1:3

Sepse i Biri i njeriut erdhi të shpëtojë të humburin. Si mendo ni ju? Në qoftë se një njeri ka njëqind dele dhe i humbet një nga ato, a nuk i lë të nëntëdhjetenëntat e shkon nëpër male të kërkojë të humburin? Dhe kur e gjen - unë po ju them se do të gëzohet më tepër për atë se për të nëntëdhjetenëntat që s'kanë humbur. Po kështu edhe Ati yt që

është në qiell, nuk do që të humbasë rrugën asnjëri prej këtyre besimtarëve të thjeshtë.

—Mateu 18:11-14

Ne s'kishim asnjë meritë për shpëtim, e megjithatë Perëndia pati mëshirë për ne. Na shpëtoi dhe na bëri të lindemi për një jetë të re me anë të ujit të pagëzimit dhe me anë të Shpirtit të shenjtë.

—Titit 3:5

Prandaj t'i afrohemi fronit mbi të cilin është ulur i Mëshirshmi. Atje do të gjejmë gjithnjë, kur të kemi nevojë për ndihmë, dashurinë dhe mëshirën. —Hebrenjve 4:16

14 PERENDIA NA THERRET TE SHKOJME TEK AI

Shpirti i shenjtë dhe Nusja thonë: “Eja!” Kush e dëgjon këtë le të thotë: “Eja!” Kush ka etje le të vijë, dhe kush do ta pijë ujin e jetës falas, atij do t’i jepet falas.

—Zbulesa 22:17

Ditën e fundit, ditën e së kremtes së madhe, Jezusi qëndroi para popullit dhe tha me zë të lartë: “Kush ka etje, le të vijë tek unë e të pijë.”

—Gjoni 7:37

Prandaj në emër të Krishtit, u drejtohem të gjithë njerëzve. Vetë Perëndia i thërret ata kur unë them: “Në emër të Krishtit, pajtohuni me Perëndinë.”

—2 Korintasve 5:20

Ai na ka shpëtuar dhe na ka thirrur të jemi populli i tij. Kjo ndodhi jo për shkak të veprave tona të mira, por sepse kjo ishte në përputhje me zgjedhjen e tij. Që përpara krijimit të botës kishte mëshirë për ne me anë të Jezu Krishtit. —2 Timotheut 1:9

Ejani tek unë gjithë sa jeni të lodhur e të ngarkuar, dhe unë do t’u çlodh juve.

—Mateu 11:28

Dhe në kohën e darkës dërgoi shërbëtorin e tij që t’u thoshte atyre që ishin ftuar: “Ejani se tani të gjitha janë gati.”

—Luka 14:17

TE GJITHE NJEREZIT NUK JANE FEMIJE TEPERENDISE

15

Por kush bën keq ose nuk e do bashkëbesimtarin e tij, nuk i takon Perëndisë. Nga kjo mund ta dini se kush është fëmijë i Perëndisë e kush është fëmijë i djallit.

—1 Gjoni 3:10

Të gjithë ata që udhëhiqen nga Shpirti i Perëndisë janë fëmijë të Perëndisë. Prandaj ju s'duhet të keni më frikë nga Perëndia. Jua ka dhënë Shpirtin e tij, dhe kjo tregon se ju nuk jeni skllevër të tij, por fëmijë të tij. Meqë Shpirti i tij jeton brënda jush, i themi Perëndisë: "Avve! O Atë!" —Romakëve 8:14, 15

Atëherë do të jeni të pastër e pa të meta, dhe do të tregoni se ju jeni

me të vërtetë fëmijë të Perëndisë, që jetoni mes njerëzve të prishur që janë në rrugë të gabuar. Ju do të ndritni mes tyre si yjet në qiellin e natës.

—Filipianëve 2:15

Megjithatë, disa e pranuan dhe besuan në të. Ai u dha atyre të drejtë të bëheshin fëmijë të Perëndisë.

—Gjoni 1:12

"Prandaj dilni nga rrethi i tyre dhe ndahuni nga ata" - tha Perëndia. "Mos prekni asgjë të fëlliqur. Atëherë do t'ju tregoj dashurinë time. Do të jem Ati juaj dhe ju do të jeni bijtë e mi dhe bijat e mia - këtë e thotë Zoti i Plotfuqishëm."

—2 Korintasve 6:17, 18

16 Ç'THOTE PERENDIA PER PIJET E FORTA

Kujdes, mos t'ju megjullohet mëndja nga dehja dhe preokupimet e kësaj jete. Ndryshe do të zihenit nga kjo ditë si në kurth.

—Luka 21:34

Sepse Zoti e ka emëruar atë që të bëjë vepra të mëdha. Nuk do të pijë as verë as birrë. Që në barkun e nënës do të jetë i mbushur me Shpirtin e shenjtë.

—Luka 1:15

Se në ç'drejtimit të çon natyra mëkatore, është e qartë: imoraliteti, prishja dhe shthurja, idhujtaria dhe magjia, grindja, qëndrimi armiq sor, rivaliteti, shpërthimi i

zemërim-it, dëshira për hakmarrje, mosmarrëveshja dhe përçarja, cmira, pija dhe grykësia, dhe shumë vese të tjera. Po ju paralajmëroj siç bëra më parë: kush bën gjëra të tilla, për të s'ka vend në mbretërinë e Perëndisë.

—Galatasve 5:19-21

Le të jetojmë ashtu siç i përket dritës. Mos jini grykës ose pjanecë, mos bëni jetë të shthurur, mos jini grindavecë, ose xhelozë! Le ta caktojë Jezu Krishti tërë sjelljen tuaj! Mos t'ju robërojnë dëshirat egoiste dhe instiktet tuaja.

—Romakëve 13:13, 14

Nxiteni njëri-tjetrin për ditë përdërisa dita të quhet “Sot”. Kështu do të pengohet mundësia që dikush të mos dojë të dijë për thirrjen e Perëndisë, sepse mëkati e çon atë në rrugë të gabuar.

—Hebrenjve 3:13

Ne u besojmë dëshmitarëve njerëzorë, por dëshmia e Perëndisë peshon më shumë, sepse është fjala për dëshminë që Perëndia e dha për Birin e vet. Kush beson në Birin e Perëndisë, e ka këtë dëshmi në zemrën e tij. Kush nuk i beson Perëndisë, e bën gënjeshtar, sepse e vë në dyshim dëshminë që Perëndia e dha për Birin e vet. Kjo dëshmi thotë: “Perëndia na e dha

jetën e përjetshme, dhe këtë jetë e marrim me anë të Birit të tij. Kush e ka Birin e Perëndisë, ka edhe jetën. Kush nuk e ka Birin, nuk e ka as jetën.” —1 Gjoni 5:9-12

Me ngulmim, në emër të Zotit, ju them juve: “Ju s’duhet të jetoni më si paganë të cilët mendimet e tyre të mbrapshta i çojnë në rrugë të gabuara. Me që nuk e njohin Perëndinë dhe s’duan të dinë për të, janë të verbër për të vërtetën dhe s’kanë asnjë pjesë në jetën e vërtetë, e cila vjen nga Perëndia. Meqë s’kanë më qëndresë, u dorëzohen veseve të tyre. Bëjnë çdo lloj shthurjesh dhe janë plot me dëshira epshore.” —Efesianëve 4:17-19

Shumë veta do të paraqiten nën emrin tim duke thënë: “Unë jam Krishti!” Kështu ata do të mashtronë shumë veta. –Mateu 24:5

Mos e mashtroni veten vetëm me dëgjimin e kësaj fjale. Ju duhet edhe ta zbatoni atë! –Jakovi 1:22

Mendohuni mirë se për ata që bëjnë padrejtësi, Perëndia s’ka asnjë vend në mbretërinë e tij. Mos e mashtroni veten! As ata që bëjnë imoralitet, që bëjnë idhujtari, që bëjnë tradhti bashkëshortore, ose që kanë marrëdhënie seksuale me dikë tjetër të të njëjtit seks, as vjedhësit, as fajdexhinjtë, as pijanecët, as shpifësit, dhe as hajdutët nuk do të hyjnë në mbretërinë e Perëndisë. –1 Korintasve 6:9, 10

Të mos mashtroheni, fëmijët e mi. Kush sillet në pajtim me karakterin e Perëndisë, mund të qëndrojë para gjyqit të Perëndisë. Kush mbetet në mëkat, i përket djallit, sepse djalli mëkatoi që nga fillimi. Por Biri i Perëndisë erdhi në tokë që t’i shkatërrojë veprat e djallit.

–1 Gjoni 3:7, 8a

Sepse nëse ndonjërit i duket vetja se është diçka, por që s’është gjë, ai gënjen veten e tij.

–Galatasve 6:3

Mos shkoni në rrugë të gabuara për shkak të fjalëve mashtruese. Të gjithë ata që jetojnë ashtu, ia ndjellin vetes dënimin e Perëndisë.

–Efesianëve 5:6

Pastaj dëshira si të mbarset
pjell faj, edhe faji si të bëhet,
pjell vdekje. —Jakovi 1:15

Çfarë fruti kishit atëherë nga
ato punë, për të cilat tani keni
turp? Sepse fundi i tyre është
vdekja. —Romakëve 6:21

Dhe duhej të gëzoheshim e të
ngazëlleshim sepse ky vëllai
yt, qe i vdekur e u ngjall për-
sëri, ishte i humbur por u gjet.
—Luka 15:32

Edhe frikacakët, të pabesët, të
ndyrët, vrasësit, imoralët, mag-
jistarët, idhujtarët dhe gjithë
gënjeshtarët do ta kenë vendin
e tyre në liqejt përvëltonjës nga
zjarri i squfurit. Kjo është
vdekje e dytë. —Zbulesa 21:8

Prandaj, sikurse me anën e
një njeriu hyri faji në botë si
dhe me anë të fajit vdekja, po
kështu shkoi vdekja mbi të
gjithë njerëzit, sepse që të
gjithë fyejnë. —Romakëve 5:12

Dhe si tha këto, thirri me zë të lartë: “Llazar, dil jashtë!” Dhe i vdekuri doli i lidhur këmbë e duar me rripa pëlhere, dhe faqja e tij ishte e lidhur me shami. Jezusi u thotë atyre: “Zgjidheni dhe lëreni të shkojë.”

—Gjoni 11:43, 44

Edhe ai që rron e qesh i vdekur thotë, ja tek jam i gjallë në jetë të jetëve; (amin), dhe kam çelsat e jetës dhe vdekjes.

—Zbulesa 1:18

Ati më do, sepse unë jam gati ta jap jetën time që ta fitojë përsëri. Asnjëri s’më detyron për këtë, unë e jap vetë, e kam vetë fuqinë për këtë, po kështu kam

vetë fuqinë që ta marrë përsëri. Kështu plotësoj detyrën që Ati im më besoi.

—Gjoni 10:17, 18

Sepse u dhashë juve më përpara atë që mora edhe unë, se Krishti vdiq për mëkatet tona, në përputhje me profecitë e Shkrimit të shenjtë, dhe u varros dhe se u ringjall ditën e tretë, siç parathuhej në Shkrimin e shenjtë.

—1 Korintasve 15:3, 4

Pastaj ai iu afrua arkivolit dhe e preku, dhe ata që e mbanin u ndalën. Jezusi i tha të vdekurit: “Djalosh, po të urdhëroj, çohu!” I vdekuri u çua dhe filloi të fliste, e Jezusi ia ktheu nënës së tij.

—Luka 7:14, 15

Po ju lë juve një porosi të re. Ta doni njëri-tjetrin, sikurse unë ju desha juve, edhe ju ta doni njëri-tjetrin.

—Gjoni 13:34

Kur Jezusi donte të shkonte më tutje, iu afrua një njeri, ra në gjunjë para tij dhe e pyeti: “Mësues i mirë, ç’duhet të bëj unë që të fitoj jetën e përjetëshme?” “Përse më thua ‘i mirë?’”, ia ktheu Jezusi. “Vetëm Një ka që është i mirë - Perëndia! E urdhëresat e tij i dini: Mos bëj vrasje! Mos bëj tradhëti bashkëshortore! Mos vidh! Mos bëj dëshmi të rremë! Ndero babanë dhe nënën!” “Këto urdhëresa i kam zbatuar që në rini!”, iu përgjigj njeriu. Jezusi e

përqafoi dhe i tha: “Të mungon një gjë: shite tërë pasurinë tënde dhe ndajau të hollat të varfërve, dhe do të kesh te Zoti pasuri që nuk mund të humbasë. Pastaj eja pas meje!”

—Marku 10:17-21

“Mësues, cila porosi është e madhe në kohë?” Kurse Jezusi i tha atij: “Të duash Zotin, Perëndinë tënde me gjithë zemër, me gjithë shpirt e me gjithë mend.” Kjo është porosia e parë dhe e madhe. Dhe e dyta, që është sikurse e para, është “Të duash të afërmin tënd porsì veten tënde. Gjithë njerëzimi dhe profetët mbështeten mbi këto dy porosi.”

—Mateu 22:36-40

22 PERENDISE NUK MUND T'I FSHIHESH

Ai është Perëndia që e krijoi botën dhe gjithçka që është në të. Si Zot mbi qiellin e tokën, nuk banon në tempuj të cilët njerëzit i ndërtuan për nder të tij. As nuk varet nga njerëzit ushqimi i tij; sepse ai vetë u jep jetën e gjithçka që u duhet për jetesën e tyre. Prej një njeriu i krijoi të gjithë popujt e njerëzimit që të banojnë mbarë sipërfaqen e tokës; u jep stinë e vendbanime, sepse donte që njerëzit ta kërkojnë e të marrin mundimin ta gjejnë.

Ai është afër secilit prej nesh, sepse me anë të tij jetojmë, veprojmë e ekzistojmë. Ose, siç e shprehin disa prej poetëve tuaj: 'Edhe ne jemi me prejardhje hyjnore.'

—Apostujve 17:24-28

Asgjë s'ka të fshehur para Perëndisë. Gjithçka gjendet lakuriq dhe e zhveshur para syve të Atij, të cilit do t'i japim llogari.

—Hebrenjve 4:13

Edhe qielli i kaltër edhe dheu, me anën e asaj fjale, janë ruajtur si thesarë për t'u përdorur për zjarrin e ditëve të gjyqit e të humbjes së njerëzve të pabesë.

—2 Pjetri 3:7

Edhe ai që nuk u gjet ndër shtigjet e jetës u hodh në liqenin e zjarritë.

—Zbulesa 20:15

Në qoftë se dora ose këmba jote të shpie drejt së keqes, preje dhe hidhe larg vetes. Ehtë më mirë për ty të hysh në jetën e përjetshme pa dorë e pa këmbë se me të dy duart e me të dy këmbët të hidhesh në

zjarr të përjetshëm.

—Mateu 18:8

Biri i njeriut do t'i dërgojë engjëjt e tij dhe ata do t'i nxjerrin nga mbretëria e tij gjithë ata që nuk e dëgjuan Zotin ashtu si ata që i nxitnin të tjerët të mos e dëgjonin Zotin. Engjëjt do t'i hedhin ata në furrë të ndezur, ku do të qajnë e do t'i kërcëlljnë dhëmbët.

—Mateu 13:41, 42

Edhe këta do të venë në mundim të përjetshëm, kurse të drejtët në jetën e përjetshme.

—Mateu 25:46

Kështu pra, secili prej nesh do t'i japë fjalën Perëndisë për veten e tij. –Romakëve 14:12

Mbi këtë mbështetet dashuria për ne, që të kemi guxim në ditët e gjyqit, sepse siç është ai, ashtu jemi edhe ne në këtë botë. –1 Gjoni 14:17

Sepse të gjithë ne duhet të paraqitemi përpara gjykatës së Krishtit, që të japë llogari e të shlyhet secili për ato veprime që ka bërë me anë të trupit, sipas veprave të mira a të liga. –2 Korintasve 5:10

Zoti, di t'i shpëtojë besimta-

rët nga hallet dhe të padrejtët t'i ruaj për ditën e gjyqit që ta vuajnë mundimin. – 2 Pjetri 2:9

Sepse caktoi një ditë në të cilën do të gjykojë botën me drejtësi me anë të një Njeriu, të cilin e ngarkoi me këtë gjë. Këtë e dëshmoi Perëndia para tërë botës duke e ringjallur atë nga të vdekurit.

–Apostujve 17:31

Çdo njeri vdes vetëm një herë dhe pastaj paraqitet para gjyqit të Perëndisë.

–Hebrenjve 9:27

Meqë Krishti na e ka dhënë faljen e dënimit me anë të flijimit të tij, ne bëhemi trashëgimtarë me shpresë për jetën e përjetshme.

—Titit 3:7

...“Perëndia është kundër madhështorëvet, kurse të përulurvet u jep hir”.

—1 Pjetri 5:5

Me anë të fjalës së tyre dhe me anë të mrekullive që i kryenin, apostujt dësh-monin për Jezusin si Zotin e ringjallur, dhe Perëndia ia dhuronte me bollëk, mbarë bashkësisë, të mirat që bënte Shpirti i Tij.

—Apostujve 4:33

Kështu pra, nuk është çështja për vullnetin apo kërkesat e njerëzve, por vetëm për mëshirën e Perëndisë.

—Romakëve 9:16

Por atë që Perëndia na dhuron me anë të Këtij tjetrit nuk mund të krahasohet me pasojat e mëkatit të Adamit. Të gjithë duhet të vdesin, sepse një njeri u rebelua kundër Perëndisë. Por me anë të një njeriu tjetër, Jezus Krishtit, Perëndia na e tregon mëshirën e Tij, e cila është aq e madhe.

—Romakëve 5:15

Sepse ju e dini hirin e Zotit Jezus Krisht, i cili ndonëse ishte i pasur u bë i varfër për ju, që ju të bëheni të pasur me anën e varfërisë së tij.

—2 Korintasve 8:9

Qoftë falenderim ndaj Perëndisë për dhuratën që nuk mund të tregohet me gojë.

—2 Korintasve 9:15

Lërini, pra, mëkatet tuaja e kthehuni te Perëndia që t'ju shlyhen ato. –Apostujve 3:19

Gjer tani Perëndia nuk i ka dënuar njerëzit siç e meritonin, sepse vepronin nga padija. Por tani urdhëron që të kthehen te vetja të gjithë njerëzit e çdo vendi. –Apostujve 17:30

Ja, po u them juve; po nuk u penduat, të gjithë kështu keni për të humbur. –Luka 13:3

Atëherë Pjetri u tha atyre: “Pendohuni dhe secili prej jush le të pagëzohet në emër të Jezu Krishtit për faljen e mëkateve dhe keni për të marrë dhuratën e Shpirtit të shenjtë!” –Apostujve 2:38

Ai thoshte: “Pendohuni, se Mbretëria e qiellit po afrohet”.

–Mateu 3:2

Në qoftë se një pendim i tillë sjell dhimbje siç e do Perëndia, kjo te çon në një pendim që askujt nuk i vjen keq, që përfundon me shpëtim. Përkundrazi, në qoftë se një qortim pranohet siç është zakon te njerëzit, atëherë ka rrezik te çojë në vetëvrasje.

–2 Korintasve 7:10

Po u them juve se Perëndia që është në qiell më shumë gëzohet për një mëkatar që pendohet, se për nëntëdhjetë e nëntë të tjerë që tashmë janë kthyer tek Ai.

–Luka 15:7

Dhimoja më la se e deshi këtë botë më shumë se botën që po vjen dhe shkoi në Selanik. Krescenci u nis për në Galaci dhe Titi për në Dalmaci.

—2 Timotheut 4:10

Mos e doni botën e as ato që janë në botë. Ai që do botën nuk gëzon dashurinë e Atit, sepse çdo gjë që është në botë si dëshirë e trupit, si dëshirë e syve dhe madhështia e jetës, nuk është nga Ati, por prej botës. —1 Gjoni 2:15, 16

Dhe mos merrni pjesë në punët e dyshimta të errësirës. Përkundrazi nxirrini ato në shesh.

—Efesianëve 5:11

Drejtojini mendimet tuaja lart e jo në gjëra tokësore.

—Kolosianëve 3:2

Sepse u duk dashuria e Perëndisë, që sjell shpëtim për të gjithë njerëzit, i cili na mëson të mohojmë pabesinë e dëshirat e botës dhe të rrojmë me urtësi, drejtësi dhe me besë të vërtetë në këtë jetë.

—Titit 2:11, 12

O njerëz imoralë, nuk e dini vallë se miqësia e botës është armiqësi e Perëndisë? Ai pra, që dëshiron të jetë miku i botës bëhet kështu armiku i Perëndisë.

—Jakovi 4:4

E dimë se kushdo që ka lindur nga Perëndia, e ruan veten e tij dhe se i ligu nuk e prek dot.

—1 Gjoni 5:18

Jezusi iu përgjigj: “Unë po të them: vetëm ai që lind sërish mund të ketë vënd në mbretërinë e Perëndisë.” —Gjoni 3:3

Vjedhësi nuk vjen për tjetër gjë veç për të vjedhur, për të therur e për të prishur. Unë erdha që ju të keni jetë më të gjatë.

—Gjoni 10:10

Prandaj kush është me Krishtin, është një njeri i ri. Ajo që ishte

njëherë, mbaroi; filloi diçka krejt e re. —2 Korintasve 5:17

Sepse keni lindur përsëri jo nga fara që prishet, por prej farës që nuk prishet, me anë të fjalës së Perëndisë që rron e mbetet (për gjithë jetën).

—1 Pjetri 1:23

E njerëz të tillë kishte edhe ndër ju! Por tani ju u latë, u bëtë populli i shenjtë i Perëndisë, dhe morët pafajësinë. Në të vërtetë ju jeni të lidhur me Jezu Krishtin, Zotin, dhe morët Shpirtin e Perëndisë tonë.

—1 Korintasve 6:11

I VDEKURI MEKATAR - RINGJALLET NE FIGUREN E KRISHTIT

29

Dhe u dha jetë juve që ishit të vdekur për shkak të shkeljes së porosive e për mëkatet...dhe na ngjalli bashkë e na vuri të rrimë bashkë nën qiell me anën e Jezu Krishtit.

—Efesianëve 2:1, 6

Nëqoftëse u ngjallët bashkë me Krishtin kërkonj ata që janë lart, ku Krishti ka zënë vend në të djathtë të Perëndisë.

—Kolosianëve 3:1

Ai, i cili mori mbi vete të gjitha mëkatet tona mbi trupin e tij përmbi kryq. Me anë të kësaj jemi çliruar që të rrojmë në drejtësi; me

plagët e tij u shëruat.

—1 Pjetri 2:24

Kurrsesi! Përsa i përket mëkatit jemi të vdekur. Si mund të vazhdojmë të jetojmë nën pushtetin e tij? Edhe ju jeni të vdekur, përsa i përket mëkatit, por pasi jeni të lidhur me Jezu Krishtin edhe jetoni për Perëndinë.

—Romakëve 6:2, 11

Kjo vlen për të gjithë ata që i takojnë Jezu Krishtit; sepse e kanë gozhduar në kryq natyrën e tyre mëkatore me të gjitha lakmitë dhe veset e saj.

—Galatasve 5:24

30 JETA E PERJETSHME

Ashtu siç ngriti lart Moisiu gjarpurin në shkretëtirë, kështu duhet të ngrihet lart dhe Biri i njeriut, që të mos humbasë asnjëri nga besnikët dhe të ketë jetë të përjetshme.

—Gjoni 3:14, 15

E jeta e përjetshme përbëhet nga njohja jote, njohja e Perëndisë së vetëm dhe të vërtetë, si dhe e atij që dërgove, Jezu Krishtit.

—Gjoni 17:3

Ai që i beson Birit, ka jetë të përjetshme, kurse ai që nuk i bindet Birit nuk do të shohë

jetën por mbi të do të bjerë zemërata e Perëndisë.

—Gjoni 3:36

Kush pranon të drejtohet nga egoizmi i tij, do të korrë vdekjen. Ndërsa ai që pranon të drejtohet nga Shpirti i Perëndisë, do të korrë jetën e përjetshme.

—Galatasve 6:8

Unë, Jezusi, po ju them: ai që dëgjon fjalën time dhe i beson Atij që më ka dërguar do të ketë jetë të përjetshme dhe s'ka për t'u paraqitur në gjyq, por shkon prej vdekjes në jetë.

—Gjoni 5:24

Ai që vepron sipas porosive të mia është ai që më do, dhe ai që më do mua, ka për t'u dashtë prej tim Ati; dhe unë do ta dua dhe do ta tregojë veten time tek ai.

—Gjoni 14:21

Dhe nga kjo e dimë, se e kemi njohur atë nëse i ruajmë porositë e tij.

—1 Gjoni 2:3

Vetë Shpirti i Perëndisë dëshmon bashkë me shpirtin tonë se jemi me të vërtetë bij të Perëndisë.

—Romakëve 8:16

Fëmijët e mi, dashuria jonë nuk duhet të përbëhet nga fjalë të bukura. Ajo duhet të jetë dashuri e vërtetë që tregohet me

vepra. Nga kjo do ta dimë se e vërteta e Perëndisë e cakton jetën tonë. Atëherë do të kemi ndërgjegje të pastër. Kush e dëgjon Perëndinë, mbetet i lidhur me Perëndinë dhe vetë Perëndia me të, ne e dimë se Perëndia jeton në ne. —1 Gjoni 3:18, 19, 24

Perëndia dërgoi në ju Shpirtin e tij, për të treguar se ju tani jeni femijët e tij. Ky Shpirt thërret: “Avve - O Atë!” —Galatasve 4:6

Nga kjo e kuptojmë se jemi me të dhe ai me ne, sepse na ka dhënë nga Shpirti i tij. —1 Gjoni 4:13

32 KRISHTI NE VETEN TONE - BURIMI I GEZIMIT

Bashkë me Krishtin u kryqëzova, dhe s'roj më, po Krishti rron tek unë dhe meqë rroj unë me trup, rroj me besimin tek Biri i Perëndisë, i cili më deshi dhe më dha në duar veten e tij për mua. —Galatasve 2:20

Kështu do t'ju ndodhë: tani jeni të trishtuar. Por unë do t'ju shohë përsëri. Atëherë zemra juaj do të jetë plot gëzim e askush nuk do të mund t'ju marrë këtë gëzim. Gjer tani, nuk jeni lutur në emrin tim për asgjë. Lutuni dhe Perëndia do t'ju japë, që të gëzoheni jashtë

mase. —Gjoni 16:22, 24

Atë e doni, ndonëse kurrë nuk e patë. Ju i besoni atij, megjithëse tani nuk e shihni. Për këtë arsye, tashmë jeni të mbushur me gëzim të padregueshëm. —1 Pjetri 1:8

Dhe tani po vij tek ti dhe i them këto botërisht që të kenë gëzimin tim të plotë me veten e tyre. —Gjoni 17:13

Sepse mbretëria e Perëndisë nuk është të ngrënë e të pirë por drejtësi e paqetim dhe gëzim në Shpirtin e shenjtë.

—Romakëve 14:17

DOMOSDOSHMERIA PER TE DEGJUAR ZOTIN 33

Lum ata që zbatojnë porositë e Tij për të patur fuqi mbi pemët e jetës dhe me anën e portave të hyjnë në qytet. –Zbulesa 22:14

Nëqoftëse doni; mos i harroni porositë e mia. –Gjoni 14:15

Në qoftë se ndokush dëshiron të dalë i pafajshëm para gjyqit të Perëndisë, nuk mjafton ta njohë këtë Ligj, por edhe duhet ta zbatojë në jetë. –Romakëve 2:13

Mendohuni pak: atij të cilit i nënshtroheni si skllevër, atë edhe duhet ta dëgjoni. Ose viheni në anën e Mëkatit; atëherë do të vdisni. Ose viheni në anën e Perëndisë; bindja ndaj tij ju sjell shpëtim. –Romakëve 6:16

Por ju që tani po vuani, do t'ju shpëtojë bashkë me ne nga çdo hall. Kjo do të ndodhë kur të vijë nga qielli Jezusi, Zoti, bashkë me engjëjt e pushtetit të tij dhe të gjithë do ta shohin. Do të vijë t'i dënojë me flakë ata që nuk duan të dinë për Perëndinë e as nuk duan ta dëgjojnë lajmin e mirë për Jezusin, Zotin tonë. Për dënim ata do të ndahen përgjithmonë nga Zoti, nga pushteti dhe madhështia e tij.

–2 Selanikasve 1:7-9

Ruaje porosinë të pafëlliqur, pa njolla deri sa të vijë Zoti ynë Jezu Krisht. –1 Timotheut 6:14

34 DOMOSDOSHMERIA E PRANIMIT TE KRISHTIT

Te gjithë duhet ta pranojnë solemnisht: Jezu Krishti është Zot.
—Filipianëve 2:11

Kushdo që ndërhyr për mua para njerëzve, do të ndërhyj edhe unë para Atit tim në qiell për të. E ai që më mohon para njerëzve, edhe unë do ta mohoj para Atit tim qiellor.

—Mateu 10:32, 33

Në pranofsh me gojën tënde Zotin Jezu dhe në besofsh në zemrën tënde se Perëndia e ngjalli atë prej vdekjes, do të shpëtosh sepse njeriu beson me

zemër për drejtësi kurse me gojë bëhet rrëfim për shpëtim. Sepse Shkrimi i shenjtë thotë: “Kushdo që i beson atij, nuk ka për t’u turpëruar.”

—Romakëve 10:9, 10

Kush mohon Birin, nuk ka as Atin; (ai që pranon Birin, ka edhe Atin).
—1 Gjoni 2:23

Sepse kush turpërohet për mua dhe fjalët e mia, edhe i Biri i njeriut do të ketë turp për të, kur të vijë në madhështinë e vet qiellore, dhe në madhështinë e Atit, e të engjëjve të shenjtë.

—Luka 9:26

Ky i paudhë do të vijë pas veprimit të Satanit me çdo fuqi, me shenja e me çudira gënjeshtrë. —2 Selanikasve 2:9

Hapja sytë atyre në mënyrë që të kthehen nga errësira në dritë dhe nga pushteti i Satanit tek Perëndia dhe të fitojnë falje për mëkatet si dhe trashëgimin në mes të shënjtorëve, me anën e besimit tek unë.

—Apostujve 26:18

Tregohuni të përmbajtur, hapni sytë sepse kundërgjykatësi juaj, djalli, porsi luani që ulërin, vjen përreth duke kërkuar të

përpijë ndonjërin. —1 Pjetri 5:8

Vishni gjithë armët e Perëndisë që të mund t'u bëni ballë mjeshtrëve të djallit.

—Efesianëve 6:11

Atëherë Shpirti solli Jezusin në shkretëtirë që të shpëtonte nga djalli... atëherë Jezusi i thotë atij: “Ik prej meje Satan, sepse është e shkruar: ‘Zotit, Perëndisë tënd, do t'i falesh dhe vetëm atij do t'i lutesh.’” Atëherë djalli e la atë të qetë dhe ja engjëjt tek i erdhën pranë e i shërbenin. —Mateu 4:1, 10, 11

Dhe atëherë do të zbulohet i paudhi, të cilin Perëndia do ta zhdukë me frymën e gojës së tij dhe do ta prishë me dukjen e ardhjen e vet.

—2 Selanikasve 2:8

Bindjuni pra Perëndisë, mba-ni qëndrim ndaj djallit dhe ai ka për të ikur nga ju. Afrohuni Perëndisë dhe Ai do t'ju afrohet juve.

—Jakovi 4:7, 8a

Meqë këta fëmijë janë njerëz të gjallë, Jezusi u bë njeri siç janë ata, që ta shfuqizojë atë që e kishte në dorë pushtetin e

vdekjes, d.m.th. djallin.

—Hebrenjve 2:14

Kush mbetet në mëkat, i përket djallit, sepse djalli mëkatoi që nga fillimi. Por Biri i njeriut erdhi në botë që t'i shkatërrojë veprat e djallit.

—1 Gjoni 3:8

Kush do të na ndajë nga dashuria e Krishtit? Shtrëngimi apo ngushtimi; vdekja apo zia, të zhveshurit apo rreziku e thika?... Por megjithatë ne i mundim këto dhe dalim fitimtarë me ndihmën e atij që na desh.

—Romakëve 8:35, 37

Ne e duam atë, sepse ai është i pari që na deshi. Në thëntë dikush se e dua Perëndinë por mban mëri vëllanë ky është gënjeshtar; sepse ai që s'do vëllanë të cilin e ka parë, si mund të dojë Perëndinë që nuk e ka parë? –1 Gjoni 4:20

Po frut i Shpirtit është dashuri, gëzim, pajtim, zemërgjerësi, ëmbëlsi, mirësi, besë, butësi e vetëpërmbajtje.

–Galatasve 5:22, 23a

Prej kësaj do të njiheni të gjithë në se jeni nxënësit e mij, në qoftë se keni dashuri ndaj

njëri-tjetrit. –Gjoni 13:35

I thotë për së dyti herë: “Simon, biri i Gjoni, a më do?” Ai i përgjigjet: “Po Zot, ti e di se të dua”. Atëherë ai i thotë: “Ruaji delet e mia.” –Gjoni 21:16

Po t'i flisja të gjitha gjuhët e njerzve dhe të engjëjvet e të mos kem dashuri u bëfsha si çanga që kumbon dhe zilja që tringëllon. –1 Korintasve 13:1

Ne e dimë se kemi kaluar nga vdekja në jetë sepse duam vëllezërit. Ai që nuk do vëllanë është i vdekur. –1 Gjoni 3:14

38 RINGJALLJA E KRISHTIT

Edhe ne jemi dëshmitarë për të gjitha ato që bëri në tokën e Judesë dhe në Jeruzalem, të cilin e vranë, duke e varur mbi dru. Këtë Perëndia e ngjalli ditën e tretë dhe e bëri të shihet jo nga i gjithë populli, por nga dëshmitarët e zgjedhur më përpara nga Perëndia, domethënë nga ne që hëngrëm e pimë bashkë me të, mbas ringjalljes së tij prej të vdekurve.

—Apostujve 10:39-41

Pas një jave nxënësit ishin mbledhur në shtëpi dhe Thomai ishte bashkë me ta. Dyert ishin të mbyllura me çelës. Jezusi

erdhi, zuri vend në mes tyre e tha: “Ju përshëndes!” Pastaj iu drejtua Thomait: “Prek me gishtin tënd këtu dhe shih duart e mia! Ma jep dorën tënde, preke plagën në brinjën time. Mos dysho më, por beso se jam unë!” Pastaj Thomai iu përgjigj: “Zoti im dhe Perëndia im.”

—Gjoni 20:26-28

Edhe si u ringjall në mëngjesin e ditës së parë të javës, së pari iu shfaq Marisë nga Magdala, të cilën e kishte çliruar nga shtatë shpirtra të këqij.

—Marku 16:9

RINGJALLJA - SHPRESA E JONE E LAVDISHME 39

Që atëherë Jezusi zuri t'u tregojë nxënësve të vet se duhej të shkonte në Jeruzalem e të mësojë shumë nga pleqtë dhe kryepërfitërinjtë e shkruesit, ku do të vritet e do të ringjallet ditën e tretë.

—Mateu 16:21

Unë, Jezusi, po ju them: koha po afrohet - tashmë filloi - kur të vdekurit do ta dëgjojnë zërin e Birit të Perëndisë, e kush e dëgjon do të kthehet në jetë... Mos u çuditni për këtë, se vjen një orë në të cilin ata që janë nëpër varre do ta dëgjojnë zërin e tij dhe do të dalin: kush bëri mirë në jetën e gjallë, do të ringjallet

për të marrë jetën e përhjetshme, kurse kush bëri keq do të ringjallet për të marrë dënimin e tij.

—Gjoni 5:25, 28, 29

Me anë të pagëzimit ne të gjithë jemi (legalisht) të lidhur me Jezu Krishtin. A nuk e dini çfarë do të thotë kjo? Pagëzimi na lidh me vdekjen e tij. Kur u pagëzuam, u varrosëm me të. Por, siç u ringjall nga të vdekurit me anë të fuqisë së Perëndisë, të Atit, ashtu tani ne mund dhe duhet të bëjmë një jetë të re. Siç ishim të lidhur me vdekjen me anë të Krishtit, ashtu edhe duhet të jetojmë së bashku me të. —Romakëve 6:3-5

Bëhuni shënjtore tani në çdo gjë që bëni, ashtu si Zoti është i shenjtë, i cili ju ftoi ju të bëheni fëmija i tij. —1 Pjetri 1:15

Duke pasur pra, o të dashur, këto zotime, le të pastrojmë veten tonë nga çdo ndyrësi të trupit e të shpirtit duke bërë shenjtëri me frikë Perëndie.

—2 Korintasve 7:1

Në e pastroftë pra ndonjë veten e tij nga këto do të jetë vepër nderi e shenjtë dhe e vyer për të zotin, gatishmërinë për çdo punë të mirë.

—2 Timotheut 2:21

Se do të na lejojë të shpëtojmë nga dora e armiqëve tanë dhe ti shërbejmë atij pa frikë, me shenjtëri e me drejtësi para tij në të gjitha ditet (e jetës sonë).

—Luka 1:74, 75

Perëndia, Ati, ju ka zgjedhur për popullin e tij, ashtu siç vendosi që në fillim. Ju ka veçuar me anë të veprimit të Shpirtit të shenjtë që t'i nënshtroheni Jezusit.

—1 Pjetri 1:2

Kujdesu ta nxjerrësh veten tënde të pavarur përpara Perëndisë, punëtor faqebardhë që e pranon drejtë fjalën e së vërtetës.

—2 Timotheut 2:15

E të vishni Njeriun e ri që i shëmbëllen Perëndisë me drejtësi e shenjtëri të vërtetë.

—Efesianëve 4:24

Pëpiquni për paqen me të gjithë njerëzit dhe për një jetë në përputhje me vullnetin e Perëndisë. Kush nuk e përfill këtë, s'do ta shohë Zotin.

—Hebrenjve 12:14

Prandaj edhe Jezusi për të nderuar popullin me anën e gjakut të vet, qëndroi jashtë portës.

—Hebrenjve 13:12

Në rrëfeshim mëkatet tona, ai do të jetë i besës dhe i drejtë

që ta na i ndjejë ato dhe të na drejtojë nga çdo gjë e shtrembër.

—1 Gjoni 1:9

Unë ju pagëzoj juve me ujë për pendim, por ai që vjen pas meje është më i forte se unë, të cilit nuk jam në gjëndje t'i mbaj këpucët; ai do t'ju pagëzojë juve me Shpirtin e shenjtë e me zjarr.

—Mateu 3:11

Ashtu na zgjodhi ne, me anën e atij, përpara se të krijohet bota, që të jemi shenjtorë dhe faqebardhë përpara tij me anën e dashurisë.

—Efesianëve 1:4

42 NJERIU I MBUSHUR ME FRYME TE SHENJTE

Edhe nxënësit mbushen me gëzim e Shpirt të shenjtë.

—Apostujve 13:52

Për ju pra që jeni të liq, mësohuni t'u jepni bijve tuaj sa më shumë këshilla të mira. Ati në qiell do t'u japë atyre, që e lypin prej tij, Shpirt të shenjtë.

—Luka 11:13

Po ju nuk jeni të trupit, po të Shpirtit, në qoftë se Shpirti i Perëndisë rri në ju. Po në qoftë se ndokush nuk ka Shpirtin e Krishtit, ky njeri nuk është i Krishtit.

—Romakëve 8:9

Keni për të marrë fuqi kur të

vijë Shpirti i shenjtë tek ju dhe do të bëheni dëshmitarët e mi....

—Apostujve 1:8a

Pas lutjeve të tyre u tund vendi ku ishin mbledhur, dhe u mbushën që të gjithë me Shpirtin e shenjtë e shqiptonin me guxim fjalën e Perëndisë.

—Apostujve 4:31

Po ai, që ishte mbushur me Shpirtin e shenjtë, hodhi sytë nga qielli, pa lavdinë e Perëndisë dhe Jezusin që rrinte në anën e djathtë të Perëndisë.

—Apostujve 7:55

Në durofshi mundimin, Perëndia sillet ndaj jush porsi ndaj bijve, sepse cili është ai bir që s'e mundon i Ati?

—Hebrenjve 12:7

Dhe Jezusi i tha këtë: “Në ke mundësi të besosh, të gjitha të tjerat janë të mundshme për atë që beson.” —Marku 9:23

Po të kërkonim më përpara mbretërinë e Perëndisë dhe drejtësinë e tij, këto të gjitha do t'u shtohen juve.

—Mateu 6:33

Dhe (Perëndia) do të fshijë

çdo lot nga sytë e atyreve, edhe vdekje nuk do të ketë më; as vaje, as të bërtitura s'do të ketë më, as dhimbje, sepse të parat shkuan. —Zbulesa 21:4

Miqtë e mi të dashur! Mos u vijë çudi për provën e rëndë që ju gjeti si një zjarr. Ajo nuk mund t'ju zërë në befasi., sepse edhe ju do të merrni pjesë të asaj që pësoi edhe Jezusi.

—1 Pjetri 4:12, 13

...Dhe ja tek jam unë bashkë me ju, për ditë, deri në mbarim të jetës. Amin. —Mateu 28:20b

44 **PREMTIMI NE NGASJE**

Sepse ai që pësoi vetë kur u nga, mund t'i ndihmojë ata që i ngasin të tjerët.

—Hebrenjve 2:18

Dhe Perëndia e pajtimit do ta dërmojë Satanin ndër këmbët tuaja së shpejti.

—Romakëve 8:28

Secili të gëzohet kur të vihet në provë dhe t'i qëndrojnë asaj; sepse Perëndia do t'ia japë kurorën e fitimtarit; jetën e përjetshme që ua premtoi të gjithë atyre që e duan.

—Jakovi 1:12

Vuajtjet që tani duhet t'i

durojnë, nuk peshojnë shumë dhe mbarojnë së shpejti. Ato do të më sjellin një madhësi që i kalon të gjitha përfytyrimet dhe që nuk mbaron.

—2 Korintasve 4:17

Vështirësitë në të cilat jeni vënë, nuk janë tej masës njerëzore. Perëndia është besnik. Ai nuk do të lejojë t'u shtroheni provave që i tejkalojnë fuqitë tuaja dhe bashkë me prova, do t'ju japë rrugëdalje e forcë për t'u qëndruar.

—1 Korintasve 10:13

Kush del fitimtar...do t'i trashëgojë të gjitha dhe unë do të jem Perëndia e tij ndërsa ai Biri im. —Zbulesa 21:7

Kush del fitimtar, atij do t'i jap të drejtën të rrijë me mua në fronin tim sikurse edhe unë dola fitimtar dhe tani jam i ulur bashkë me Atin tim në fronin e tij. —Zbulesa 3:21

Kush del fitimtar, do ta bëj shtyllë në tempullin e Perëndisë tim dhe ai do të mbetet gjithnjë atje. Mbi të do ta shkruaj emrin e Perëndisë tim si dhe emrin e qytetit të Perëndisë tim, të Jeruzalemit të ri që do të

zbresë nga qielli, nga Perëndia im. Në të do ta shkruaj emrin tim të ri. —Zbulesa 3:12

Ai që ka veshë le të dëgjojë ç'u thotë Shpirti të krishterëve. Atij që del fitimtar do t'i jap të hajë nga pema e jetës që është në mes të parajsës së Perëndisë. —Zbulesa 2:7

Kush del fitimtar, do të jetë i veshur me nje petk të bardhë të tillë. Nuk do ta fshijë emrin e tij nga dyert e jetës. Do të dëshmoj botërisht para Atit tim dhe para engjëjve të tij se mua më takon. —Zbulesa 3:5

46 FJALET E PERENDISE MBI SHKURORZIMIN

Pra unë po ju them juve se ai që le gruan e tij për shkak imoraliteti, e bën atë ta vazhdojë atë, edhe ai që merr grua të ndarë, imoralizon. –Mateu 5:32

Kushdo që le gruan e tij dhe martohet me një tjetër, bëhet njeri imoral dhe kushdo që martohet me grua të lënë nga burri është imoral. –Luka 16:18

Sepse gruaja e martuar është e lidhur me emrin e burrit derisa ky është i gjallë, por nëse vdes burri, lirohet nga emri i burrit. Kur rron pra burri, në u bashkoftë me tjetër burrë, do të jetë imorale; por po vdiq burri

është e liruar nga emri e të mos quhet imorale në u bashkoftë me tjetër burrë. –Romakëve 7:2, 3

Edhe të martuarit i porosis, jo unë, po Zoti, të mos ndahet gruaja nga burri. Po edhe në u ndaftë, le të mbetet e pamartuar ose të pajtohet me burrin e saj; edhe burri të mos e lerë gruan e tij... Gruaja është lidhur (nga emri) përsa kohë rron burri i saj; po në se i vdes burri, është e lirë të martohet me cilin të dojë, vetëm kjo punë të bëhet edhe me pëlqimin e Zotit.

–1 Korintasve 7:10, 11, 39

Ja tek po vij shpejt, mbaje atë që ke, që të mos marrë kurorën tënde.
—Zbulesa 3:11

Sepse cilitdo që t'i vijë turp për mua edhe për fjalët e mia për këtë brez imoral e mëkatar, edhe të Birit të njeriut do t'i vijë turp për të, kur të vijë tek madhështia e Atit të tij bashkë me engjëjt e shenjtë. —Marku 8:38

Në të vërtetë Biri i njeriut do të vijë papritur e në mënyrë të dukshme për të gjithë, si vetëtimë që dridhet në qiell prej lindjes deri në perëndim.

—Mateu 24:27

Pastaj do të duket në qiell shenja: Biri i njeriut. Të gjitha fiset e tokës do të qajnë dhe do ta shohin Birin e njeriut duke ardhur mbi retë e qiellit me fuqi dhe me madhështi të paparë.

—Mateu 24:30

Po shkoj, pra, për t'ju përgatitur një vend. Pastaj do të kthehem t'ju marrë me vete, që të jeni edhe ju atje ku do të jem unë.

—Gjoni 14:3

Bëhuni zemërgjërë edhe ju, forconi zemrat tuaja; sepse ardhja e e zotit u afrua. —Jakovi 5:8

“Ja, po vij”, thotë Zoti, “si vjen vjedhësi! Lum ai që rri zgjuar dhe i ruan petkat e tij. Nuk do të ecë i zhveshur dhe nuk do të turpërohet para të tjerëve kur ta shohin.”

—Zbulesa 16:15

Edhe atëhere do të shohin të Birin e njeriut duke ardhur mbi re me fuqi e lavdi të madhe.

—Luka 21:27

Dhe ju pra bëhuni gati; sepse i Biri i njeriut vjen në

atë orë që nuk e mendoni.

—Luka 12:40

Sepse ka për të ardhur i Biri i njeriut me lavdinë e Atit të tij bashkë me engjëjt e vet dhe atëherë do ta shpërblejë secilin sipas punës së tij.

—Mateu 16:27

Të dashur, tani jemi fëmijë të Perëndisë, po edhe nuk dihet se çdo të jemi, veçse e dimë se kur të shfaqet Ai me të madhe, do të jemi po si Ai; sepse do të shohim Atë ashtu siç është.

—1 Gjoni 3:2

RRUGA E PERENDISE PER TE NA SHPETUAR

Unë kam nevojë për një Shpëtimtar.

Të gjithë u bënë fajtorë dhe humbën madhështinë që Perëndia ua dha.

—Romakët 3:23

Por mëkatet e tua të kanë ndarë ty nga Perëndia.

—Isahia 59:2a

Krishti vdiq për mua

Sepse edhe Krishti vuajti njëherë për shkak të mëkateve, i drejti për të padrejtët, që të mund të na çonte ne tek Perëndia.

—1 Pjetri 3:18a

Unë kam nevojë të pendohem për mëkatin tim

Ai që i mbulon mëkatet e tij nuk do të begatohet, por kushdo që i rrëfen ato dhe heq dorë prej tyre do të marrë mëshirë.

—Proverbat 28:13

Lërimi, pra, mëkatet tuaja e kthehuni

te Perëndia që t'ju shlyhen ato.

—Veprat e Apostujve 3:19a

Unë duhet ta pranoj Jezusin me anë të besimit

Megjithatë, disa e pranuan dhe besuan në të. Ai u dha atyre të drejtë të bëheshin fëmijë të Perëndisë.

—Gjoni 1:12

Unë mund të jem i sigurtë për shpëtimin tim

Kush e ka Birin e Perëndisë, ka edhe jetën.

—1 Gjoni 5:12a

“Unë (Mesia) po ju them: Të gjithë ata që e dëgjojnë fjalën time dhe i besojnë Atij që më dërgoi, do të jetojnë përgjithmonë. Ata nuk do të dënohen. Tashmë kanë kaluar nga vdekja (shpirtërore) në jetën përjetshme.”

—Gjoni 5:24

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

10-24



Read booklets online or by App
www.wmp-readonline.org
2 Albanian HFA